

قصيدة من ضي الكاسات

فتح عنيك

السماء بأصه عليك

بادر وغني بالتمني وانتظر يوم المطر

بُص السماء حاساك

بتلف بيك الكون

وتعدي بيك أسلاك

شبه الطيور راسماك

والعش حُريرة

البرد

قاطع في روحك أفدنة

قربت تخلص صبري يا ثابت

ولسه مازهقتش

الأرض

معادتش تتحملك

خلصت فيها الشعر لحد ما تابت

ولسه ما تبتش

----- اسمحلي أغنيك -----

يا أول المظالم

يا آخر المظالم

يا شاكي للمظالم

يا شایل المظالم

يا ظالم المظالم

يا شاب يا شاخ

حلمك غريب ع الناس

أملك بعيد في الناس

صوتك ما هز الناس

دمعك شافوه الناس

قالوا كئيب بايخ

----- هكـب وامـنـيـك -----

مصير الشوق هيتجمع

مصير الدمع يتشمع

مصير اليأس هيودع

مصير الشعر هيسمع

ويجري في السما ويروح

اجرى ع السما تتشاف

احلم بالسما ما تخاف

غني للسما تنضاف

لقوايم الليل الطموح

